

VENDIM
Nr. 236, datë 17.4.2019

**PËR MIRATIMIN E RREGULLORES “PËR PULPËN E FRUTËS SË THATË
BAOBAB, SI PËRBËRËS I RI USHQIMOR”**

Në mbështetje të nenit 100 të Kushtetutës dhe të pikës 5, të nenit 27, të ligjit nr. 9863, datë 28.1.2008, “Për ushqimin”, të ndryshuar, me propozimin e ministrit të Bujqësisë dhe Zhvillimit Rural, Këshilli i Ministrave

VENDOSI:

1. Miratimin e rregullore “Për pulpën e frutës së thatë baobab, si përbërës i ri ushqimor”, sipas tekstit që i bashkëlidhet këtij vendimi.
 2. Ngarkohen Ministria e Bujqësisë dhe Zhvillimit Rural dhe Autoriteti Kombëtar i Ushqimit për zbatimin e këtij vendimi.
- Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Erion Braçe

RREGULLORE
PËR PULPËN E FRUTËS SË THATË BAOBAB SI PËRBËRËS I RI USHQIMOR¹

I. PËRKUFIZIME

Në këtë rregullore, termat e mëposhtëm kanë këto kuptime:

1. “Frutë e thatë baobab” është frutë e baobabit, nga i cili, pjesa më e madhe e përmbajtjes së ujit origjinal është hequr natyrshëm, nëpërmjet tharjes në diell.
2. “Pulpë e frutës” është pjesa e butë, e shijshme e një frute që zakonisht është e përbërë nga mesokarpi.
3. “Pulpa e frutit të thatë baobab” është pulpa e frutës së baobabit, e thatë, e butë, me ngjyrë krem, që rrethon farën brenda guaskës.

II. ETIKETIMI

Në etiketën e produktit, që përmban përbërësin e ri ushqimor, në listën e përbërësve do të shënohet përcaktimi “Pulpë e frutës së thatë baobab”.

III. SPECIFIKIMET E PULPËS SË FRUTËS SË THATË BAOBAB

Përshkrimi

Fruta e baobabit është natyrisht e dehidratuar. Ai rritet në pemën afrikane baobab dhe është i mbështjellë në një guaskë të trashë. Pulpa e frutës baobab është e bardhë dhe grumbullohet rreth farave e fibrave të kuqe, brenda guaskës.

Frutat baobab (*Adansonia digitata*) mbliidhen nga pemët. Guaskat çahen për t’u hapur dhe prej aty nxirret tulli i frutës, duke lënë mënjane farat dhe lëvozhgën. Tulli bluhet, ndahet në pjesë të mëdha dhe të trasha (madhësia e grimcave 3 deri 600 µ) dhe pakëtohet.

A. Treguesit tipikë ushqyes të pulpës së frutës së thatë baobab

¹ Kjo rregullore është përafshuar pjesërisht me:

vendimin e Komisionit 2008/575/EC të 27 qershorit 2008 mbi autorizimin dhe vendosjen në treg të pulpës së frutës së thatë baobab si një përbërës i ri ushqimor, sipas rregullore (EC) nr. 258/97 të Parlamentit Evropian dhe të Këshillit; CELEX 32008D0575; FZ L 183, 11.7.2008, f. 38

Lagështira (humbja në tharje) (g/100 g)	11,1–12,0
Proteina (g/100 g)	2,03–3,24
Yndyra (g/100 g)	0,4–0,7
Hiri (g/100 g)	5,5–6,6
Karbohidratet totale (g/100 g)	78,3–78,9
Sheqeri total (si glukozë)	16,9–25,3
Natriumi (mg/100 g)	7,42–12,2

B. Specifikimet analitike

Lënda e huaj	Jo më shumë se 0.2 %
Lagështira (humbja në tharje) (g/100 g)	11,1–12,0
Hiri (g/100 g)	5,5 -6,6